

## ZAPISNIK S PRVE SJEDNICE VIJEĆA RODITELJA JU TREĆE GIMNAZIJE U ŠKOLSKOJ 2022/23. GODINI

Prva sjednica Vijeća roditelja održana je u utorak, 4. 10. 2022. godine s početkom u 17.30 sati u školskoj biblioteci.

Uvidom u spisak prisutnih roditelja konstatovano je da sastanku prisustvuju 17 članova Vijeća roditelja Treće gimnazije i direktorica gđa. Amra Čolić, pedagog gđa. Hasija Dedović i predstavnik roditelja u Školskom odboru gđa. Nada Sokolović.

Prvoj sjednici Vijeća roditelja nije prisustvovalo 7 članova: predstavnik II-4 - g. Murčo Obućina – najavio / opravdao odsustvo, predstavnik II-3 gđa. Snježana Brkić – najavila / opravdala odsustvo, za ostale članove nisu poznati razlozi odsustva: predstavnik III-1 g. Sejid Maglajlija, predstavnik III-3 gđa. Aida Đulančić, predstavnik III-4 g. Kenan Čaklovića, predstavnik IV-1 g. Nusret Muijezinović i predstavnik IV-2 g. Džafer Zeba.

Broj prisutnih članova zadovoljava kvorum za odlučivanje.

Sastanak je otvorila direktorica škole pozdravljanjem roditelja kojima je zaželjela uspješan rad i kvalitetnu saradnju u školskoj 2022/23. godini.

Predložen je sljedeći dnevni red, koji je članovima Vijeća roditelja prethodno dostavljen e-mailom:

1. Konstituiranje Vijeća roditelja JU Treća gimnazija za školsku 2022/23. godinu, prema čl. 4 Poslovnika o radu Vijeća roditelja JU Treća gimnazija
2. Upoznavanje sa Poslovníkom o radu Vijeća roditelja JU Treća gimnazija i usvajanje Poslovnika
3. Izbor rukovodstva Vijeća roditelja JU Treća gimnazija u školskoj 2022/23. godini, prema čl. 7 Poslovnika o radu Vijeća roditelja JU Treća gimnazija
4. Formiranje Komisije za primopredaja dužnosti prema čl. 9 Poslovnika o radu Vijeća roditelja JU Treća gimnazija
5. Izvještaj o radu Vijeća roditelja za školsku 2021/22. godinu
6. Predstavljanje člana u Školskom odboru JU Treća gimnazija iz reda roditelja
7. Upoznavanje roditelja sa Izvještajem o rezultatima uspjeha učenika u učenju, vladanju i izostancima u školskoj 2021/22. godini
8. Izvještaj o vannastavnim aktivnostima u školskoj 2021/22. godini
9. Tekuća pitanja – Izvještaj direktorice o prikupljenim donacijama i utrošku novčanih sredstava sa projekta „Naših ruku djela“ za ekskurziju učenika IV razreda i fotografiranje članova Vijeća roditelja za objavu na školskoj web stranici i „Godišnjaku“

Predloženi dnevni red je jednoglasno usvojen. Nije bilo dopuna dnevnog reda.

#### **Ad/1**

Sjednicu je otvorila direktorica, gđa. Amra Čolić i zaželjela uspješan rad predstavnicima roditelja u Vijeću roditelja Treće gimnazije. Direktorica je prozvala prisutne roditelje koji su odabrani da u ime svojih odjeljenja budu predstavnici u Vijeću roditelja Treće gimnazije u tekućoj školskoj godini. Nakon toga je ustanovljeno da su ispunjeni uvjeti za konstituiranje Vijeća roditelja za školsku 2022/23. godinu, prema čl. 4 Poslovnika o radu Vijeća roditelja Treće gimnazije.

#### **Ad/2**

Zbog odsustva predsjednice Vijeća roditelja u prošlogodišnjem sazivu Vijeća, gđe. Snježane Brkić, direktorica je zamolila g. Hasana Pleha da prisutne roditelje upozna s postojećim Poslovníkom o radu Vijeća roditelja JU Treća gimnazija, a koji je prethodno bio dostaljen svim roditeljima uz poziv za I sjednicu. G. Hasan Pleh i gđa. Alzira Hota su bili članovi komisije koji su radili na izmjenama i dopunama Poslovnika o radu koji je bio donesen 2018. god. G. Hasan Pleh je upozano prisutne sa važećim Poslovníkom koji je donesen u aprilu, 2022. god. Vodila se diskusija o tome da li se na današnjoj sjednici treba samo upoznavati sa sadržajem ili se Poslovník treba i usvojiti. Nakon kraće diskusije, većina roditelja se izjasnila da se Poslovník treba usvojiti na ovoj sjednici i to sa 16 glasova ZA i jedan suzdržan jer se predstavnik roditelja I-5 odjeljenja izjasno da nije pročitao dokument, te zbog toga nije mogao glasati ZA.

#### **Ad/3**

Direktorica Škole, gđa. Amra Čolić, pozvala je prisutne da iznesu svoje prijedloge za imenovanje rukovodstva Vijeća roditelja za školsku 2022/23. godinu. Podsjetila je da rukovodstvo čine: predsjednik Vijeća, zamjenik predsjednika i sekretar. Gđa. Alzira Hota je predložila da bi bilo dobro ove godine odabrati nekoga iz I razreda, te je predložila g. Hadžić Ahmeda, predstavnika I-5 i gđu. Aidu Aganović, predstavnicu I-1. Zatim je uslijedo i prijedlog za g. Hasana Pleha, predstavnika II-6 odjeljnja. Prisutni su glasali te je većinu glasova dobio g. Hasan Pleh (9 glasova). Za zamjenika predsjednika odabran je g. Ahmed Hadžić, a za sekretara g. Bulend Bišćević.

#### **Ad/4**

Pedagog se obratila prisutnima vezano za Komisiju za primopredaju dužnosti, koju će činiti predstavnici rukovodstva prošlogodišnjeg saziva Vijeća roditelja i novoodabrano rukovodstvo, a prema čl. 9 Poslovnika o radu Vijeća roditelja JU Treća gimnazija. Pedagog je napomenula da se kompletna dokumentacija Vijeća roditelja iz prethodnih školskih godina nalazi se u školskoj arhivi kod pedagoga. Do sljedeće sjednice bit će pripremljen Zapisnik o primopedaji dokumentacije koji će, nakon što se izvrši uvid u navedene dokumente, a članovi Komisije će potpisati zapisnik.

#### **Ad/5**

Prisutni su upozanti sa Izvještajem o radu Vijeća roditelja za školsku 2021/22. godinu, koji je poslan putem e-maila svim članovima. Pedagog je napomenula da je taj izvještaj već bio

dostavljen i prošlogodišnjem sazivu Vijeća roditelja, a koji je sastavila predsjednica Vijeća roditelja gđa. Snježana Brkić. Izvještaj se nalazi u prilogu ovog zapisnika.

#### **Ad/6**

Predstavnica roditelja u Školskom odboru, gđa. Nada Sokolović, se predstavila prisutnima i najavila svoje redovno prisustvo sjednicama Vijeća roditelja, te pozvala roditelje na delegiranje pitanja prema Školskom odboru.

#### **Ad/7**

Direktorica Škole, gđa. Amra Čolić, upoznala je prisutne s Izvještajem o rezultatima učenika u učenju, vladanju i izostancima u školskoj 2021/22. godini, a koji je poslan roditeljima putem e-maila. Ona je istakla da možemo biti zadovoljni rezultatima u učenju i vladanju naših učenika, a posebno uspjesima i rezultatima naših učenika na državnim, federalnim i kantonalnim takmičenjima u prošloj šk. god. Gđa. Alzira Hota je istakla da je ova škola poznata po kvalitetnom radu sa učenicima sa poteškoćama po inkluzivnom modelu sa individualiziranim planovima i programima rada. Cjelokupni izvještaj nalazi se u prilogu ovog zapisnika.

#### **Ad/8**

Pedagog Škole, gđa. Hasija Dedović, upoznala je Vijeće roditelja s Izvještajem o realizaciji vannastavnih aktivnosti, projekata i drugih oblika odgojno-obrazovnog rada u školskoj 2021/22. godini, a koji je prethodno poslan putem e-maila svim roditeljima. Naglasila je da se radi o opširnom izvještaju koji je sastavni dio Izvještaja o realizaciji Godišnjeg plana i programa rada škole za prošlu šk. god. te da su naši učenici, nastavnici i razrednici uspješno realizirali brojne aktivnosti koje su dio šireg odgojnog rada i djelovanja prema učenicima i sa učenicima, te da osim odličnih rezultata u učenju i vladanju, naša škola pridaje veliku pažnju ovim aktivnostima, a posebno prevenciji neprimjerenih ponašanja i nasilja među učenicima. Pedagog je napomenula i da škola ima stručnu službu u kojoj pored pedagoga radi i psiholog Merima Pašalić. Cjelokupni izvještaj se nalazi u prilogu zapisnika.

#### **Ad/9**

Prije početka sjednice izvršeno je zajedničko fotografiranje ovogodišnjeg saziva Vijeća roditelja, kako bi se fotografije koristile za sadržaj „Godišnjaka“ i objavile na web stranici škole.

Direktorica je prisutne upoznala sa izvještajem o utrošku novčanih sredstava koji su sakupljeni na projektu „Naših ruku djela“ sa školskog bazara i o novčanim donacijama roditelja, bivših učenika i ostalih prijatelja škole, a koja su usmjerena na troškove ekskurzije za učenike IV razreda slabijeg materijalno-imovinskog statusa. Naglasila je da ni jedan učenik koji je želio na ekskurziju nije ostao zbog nemogućnosti plaćanja troškova ekskurzije, te se ukupno iz prikupljenih novčanih sredstava uplatilo puni iznos cijene ekskurzije za 8 učenika i za 9 učenika polovina iznosa cijene ekskurzije. Direktorica je zamolila predstavnike Vijeća roditelja da prenesu zahvale svim roditeljima koji su nam pomogli u ovoj humanoj misiji uz napomenu da roditelji mogu izvršiti uvid u utrošak ovih sredstava i uplate. Izvještaj se nalazi u prilogu ovog zapisnika.

Zatim se za pitanja javio predstavnik II-2 g. Nedžad Sudić sa pitanjima koja su delegirali roditelji odjeljenja II-2, a radilo se o pitanju parkiranja električnih romobila i dostupnosti wifi mreže u školi. Direktorica je dala pojašnjenje da su učenici na neprimjeren način koristili

romobile pri ulasku / izlasku iz škole do mjere u kojoj su mogli ugroziti sebe i druge, te da smo zbog toga bili prinuđeni naložiti učenicima da svoje romobile parkiraju na mjestu predviđenom za ostavljanje / parkiranje bicikala ispred škole. Direktorica je naglasila da za sada nemamo neku bolju opciju za ostavljanje / parkiranje električnih romobila, te je otvorila mogućnost, da se u narednom periodu osmisli neki projekt, kojim bi se to na adekvatan način riješilo. G. Bulend Bišćević je spomenuo da bi se to možda moglo riješiti preko nekog projekta Općine Novo Sarajevo, te da će se javiti direktorici sa informacijama.

Za pitanje korištenja wifi školske mreže, upoznala je roditelje da nemamo tehničkih kapaciteta da se to omogući učenicima, podsjetila je roditelje da se prije 2 god. Vijeće roditelja uključilo sa materijalno-tehničkom podrškom za unapređenje školske infrastrukture, mreže kako bi uopće funkcionirala online nastava, te da nemamo sredstava za sada da je uopće mijenjamo i unapređujemo jer to iziskuje dodante finansije koje škola trenutno nema.

Prva sjednica Vijeća roditelja završena je u 18.45 sati.

Zapisnik I sjednice sastavila Hasija Dedović, pedagog

Hasija Dedović

Zapisnik ovjerilo g. Hasan Pleh, predsjednik Vijeća roditelja JU Treća gimnazija

Hasan Pleh